

蘄州誌卷之八

文林郎致仕知縣州人甘澤纂輯

儒學學正閩人王舜卿校正

訓導真陽裴文采同校正

訓導閩人趙士讓編次

訓導蒙化李茂同編次

壇壝祠廟寺觀

夫祀者先王所以崇德而報功蓋有不徒然者祭法論之詳矣今列于祀典者未必皆有功德也而名山大川捧揭而奉之尤

蘄州誌

地

五十六

衆焉乃若異教紛紛歷世延蔓有不能撲滅者可勝嘆哉蘄州斗壘之地自山川社稷文廟祠祀而下棲羽流萃縉徒琳宮寶刹不為不多矣而要皆以陰翊王化為名則不可得而廢也其建置之由因革之故廢興存亡之異則當各紀歲月以備參考

壇壝

社稷壇在北門外洪武四年知府徐麟建洪武十五年知州孔思森如制重建正統十年荆憲王遷國禮屬主祭再加脩治弘治十年

荆和王撤舊鼎建社稷同壇同壇壇上一層方五丈第二層方五丈三尺高五尺四出陛用五色土隨方築之先是社主用石高五尺闊二尺上微尖立於社壇上半埋土中近南向北稷不用主至是埋石主於社稷壇之正中微露尖於外壇垣四面開靈星門垣之色亦以四方色飾之臨祭時奉

國社神牌居東

國稷神牌居西俱北向悉如制焉去東為齋宮西為各官廬神廚庫房周垣植栢陰森聳翠

《蘄州志》

地

垂

於是始稱欽崇命祀之意矣

風雲雷雨山川壇在南門外制同社稷

軍牙六纛廟一在 荆府一在蘄州衛

州厲壇在州北門三里崗洪武四年知府徐麟建十五年知州孔思森如制重建東西二丈五尺南北亦如之高三尺方一丈四出陛各三級餘地東西界民居址

里社

洪武禮制

凡各處鄉村人民每里一百戶內立壇一所
祀五土五穀之神專為祈禱雨暘時若五穀
豐登每歲一戶輪當會首常川潔淨壇場遇
春秋二社預期率辦祭物至日約聚祭祀其
祭用一羊一豕酒果香燭隨用祭畢就行會
飲會中先令一人讀抑強扶弱之誓其詞曰
凡我同里之人各遵守禮法毋恃力凌弱違
者先共制之然後經官或貧無可贍周給其
家三年不立不使與會其婚姻喪葬有乏隨
力相助如不從眾及犯姦盜詐偽一切非為

人蘄州誌

地

董率七

之人並不許入會讀誓詞畢長幼以次就坐
盡歡而退務在恭敬神明和睦鄉里以厚風
俗

儀注

備載

禮制

祝文

維洪武 年 月 日

某府某州某縣某鄉某里某人等謹致祭于

五土之神

五穀之神曰維

神參贊造化發育萬物凡我庶民悉賴生植
時維仲春東方作秋歲事有成謹具牲醴恭伸祈告伏
願雨暘時若五穀豐登官賦足供民食克裕
神其鑒知尚享

鄉厲

洪武禮制

凡各鄉村每里一百戶內立壇一所祭無祀
鬼神專祈禱民庶安康孳畜蕃盛每歲三祭
春清明秋七月十五日冬十月一日祭物牲

《新州志》

地

三事七

酒隨鄉俗置辦其輪流會首及祭畢會飲讀
誓等儀與祭里社同

祭文

備載

禮制

祭告城隍文

備載

禮制

按

國社州厲俱各如制無可議者其安平等

十鄉原立厲壇名實俱泯里社雖行惟假淫祠爲壇巫覡爲祝博求衆神以祈百福殊不知春秋二社專祀土穀之神以祈豐年期於上下俱足而已浪祀何益之有哉爰叙禮制于右以爲吾民告厲冀其舉行社冀其改正

祠廟

城隍廟原在麒麟山西南今長史司前洪武三年知府徐麟建成化間遷麒麟山東

國朝誥封威靈公古者諸侯立社稷又爲五祀曰司命中雷國門國行公厲是也鄭氏謂國門

人 蕪志

地

五十八

爲城門今之城隍也

懷忠廟在儒李日治宋寧宗嘉定十四年辛巳金人犯境知州李誠之通判秦鉅力戰不支死之事聞明年壬午封誠之正節侯鉅封義烈侯立廟祀之賜今額

國朝弘治五年知州楊淮建祠學宮扁曰四節十七年知州陳霖移置泮宮坊南今廢

三公廟在州治西洪武三年知府徐麟建祀提刑按察使何公安撫使吳公安撫使張三公事行無考要皆有功德在民也累遭回祿居民重建

烈士廟在州治西北龍眼磯水濱劉宋間建

國朝洪武十六年耆老張古才重建天順五年知州金銑市地充廣狹隘撤而新之自爲記歲久摧敗碑亦傾倒不存嘉靖元年舉人劉傑秀才李世賢楊仲金相謀營建比三年回祿于火災遺址半爲居民侵占所祀王公前誌順濟龍王廟在州治龍眼磯之巔永樂六年蘄州衛漕運軍顧文華以神有靈江河建祠祀之嘉靖元年休寧鹽商吳銳慕神之異捐貲重脩沿磯齒隙伐石填砌如臺傍規石梯登

蘄州誌

地

五十九

臨便之神原廟在吳城山大江濱相傳卽吳許二君所誅大蛇子熙寧中王師南征載軍杖數十舡泛江而南龍卽伏其中乘風日數百里有司以狀聞詔封爲順濟龍王遣太常官致祭祠下

二郎廟在州治西神永康道江縣高濟王次子王卽秦李兆也元豐時國城之西民立祠灌口帝卽位勅封靈惠侯

關公廟在州治南洪武二十二年蘄州衛指揮同知李軫立神卽關羽河東解人美鬚髯慷慨

慨尚義喜閱石氏春秋以亡命奔涿郡會先
主於鄉里合徒衆而羽與張飛爲之禦侮先
主與二人恩若兄弟及定巴蜀拜羽爲前將
軍鎮荊州威振華夷世號虎臣州域應斬荆得祀之
蕭公廟在州治西南石鼓寺右濱江神本新淦
人姓蕭氏名化軒歿于宋咸淳間爲神民爲
立廟祀之元時以其子祥叔合祀焉

國朝初嘗遣官諭祭于大洋洲廟永樂中其孫天
任卒屢著英異亦合祀之詔加封水府靈通
廣濟顯應禩侯

人 蘄 誌

地

六十

晏公廟在乾明磯坡上洪武十九年民人胡恂
卽乾明寺廢址初立正德間火焚嘉靖五年
重建神清江鎮人名成仔元初爲文錦局堂
長因病歸登舟卽尸解人以爲神立廟祀之
有靈顯於江湖

國朝封平浪侯

五顯廟在州西洪武二年民人李茂均建神有
五顯聰顯明顯正顯直顯德稱爲五顯先正
吳兩巖稱之曰變化莫測充周無窮全五常
之德膺五削之封劉須溪讚之曰佛性高明

赤電火鴉捍災禦厄神其以之

國朝劉三吳記神發祥自發郡乘所載唐貞觀初五人自天而下立于雙杉因立祠祀之

郎家坂廟在州南一里洪武高俊蓋造洪武二

十四年蘄州衛千戶戴祥改造神高陽氏三

子鄉市皆崇重之即古大儼為民逐疫者

東嶽廟在東門外元至正四十年里人黃均叙建

國朝永樂十四年陳仕冠建東嶽為太山在魯之

封內唐開元十三年封為天齊王宋大中祥

符元年封天齊仁聖帝蓋以東方主生加仁

蘄州誌 地 六十一

聖二字封帝勅天下郡縣皆立行祠蘄得有

廟以此一在安平鄉閻家冲洪武初閻岳建

三洞龍王廟在三角山宋慶曆間祈雨有應仁

宗詔封上洞靈祐侯東洞顯應侯西洞靈應

侯紹興間祈雨有應高宗詔封上洞靈祐沛

澤王東洞顯應孚惠王西洞靈應廣惠王

火星廟二處在北門外莫知所始在州東南一

里洪武十三年蘄州衛左所千戶焦義建

靖明廟在州東北高山元至正十五年民宋仕

甫等建弘治間知州陳霽毀拆今復建立

洪山廟在州北

迎恩坊又廢嘉靖七年里民瀕江建屋三楹為存羊之意云

百神廟在州西善城門外廟右有小巷通人行

費聖龍君廟按舊經在蘄春縣地後分置為廣

濟縣今州治東十里亦有行祠元蘄州路總

管趙昭武建神姓費名光輝生於唐貞觀四

年六月二日父元昇出耕毋劉氏餉之時雷

雨晦冥感龍而娠適有僧畀之藥曰服之三

年當產屆期始誕甫七歲出就里師浴於澗

水水溢逆流師異之夜窺其棲惟見黃龍蟠

伏貞觀七年七月七日雲霧四合化為黃龍而

蘄州誌

地

六十二

去蘄人因廟祀之旱禱輒應宋封為德化侯

文昌祠在文廟戟門之左成化間提學副使薛

綱謂文昌宮之第六星名司祿周禮王者獻

穀數歲得祭之非有功於茲土遂撤其像遷

於玄妙觀東廊弘治五年知州楊淮毀其祠

祠前古栢二株尚存

崇賢祠詳見名宦誌

武當行宮在州西舊有廟扁真武久敝正德間

荆國殿下重建原廟在太和山取五嶽置行宮類

署今額宋天禧二年六月詔封真武靈應真

君夫真武本玄武時避上諱改玄武爲真武
玄龜也武蛇也此本虛危星似之故因而名
北方玄武七宿東方則角亢心尾象龍故曰
蒼龍西方奎婁狀如虎故曰白虎南方張翼
狀如鳥故曰朱雀世以玄武爲真聖故作龜
蛇於下增天蓬天猷及翊聖真君作四聖焉
寺

四祖正覺禪寺在州鳳凰山隋大業間有道信
者即四祖脩行居吉州唐武德中返蘄州始
闢山爲道場後徙黃梅住破額山永徽初入

蘄州志

地

六十三

寂賜號大醫禪師後世緇徒充拓舊址爲紺
宇粹容以崇奉香火

國朝洪武元年比成化七年僧正明鐸者代有脩
建故重簷複屋金碧相映爲十方叢林之景
五祖真惠禪寺在州東諸家湖畔唐貞觀間有
弘忍大師卓錫于此水陸不甚廣衍乃云斯
地能着千年僧却無千年糧遂去之馮茂山
至宋末僧某者因舊輒新爲香火之奉

國朝洪武十五年僧祖鑑至正統十年法浩屢能
營葺傾圮嘉靖四年末玉增建藏經樓五楹

石鼓寺在州南去羊子料瀕江宋咸寧間建
國朝天順間僧永啓行化承奉阮古脩建歲久傾
敝僅存規制

法勝寺在州蓮花池西北岸洪武間僧法崇開
創小庵揭名蓮花後奉例毀僧洪興復興天
順二年

荆靖王樂其宏敞附郭奏請爲祝
聖道場仍請寺額

勅賜今名因充拓舊址建大雄殿五楹後觀音殿稱
其前東西翼以廊又前建三門紺宇輝映永

人 蘄州誌 地 六十四

稱

親王祝願之誠矣至嘉靖戊子僧永玉永浩重脩
併將原領劄付並錄以告後來

禮部爲乞

恩事於

內府抄出

荆王奏切念臣宿緣有幸忝在宗親感

皇上水土之恩荷

天地生成之德知

恩有自報德無階臣今看得洪武年間僧人法崇開

建古跡蓮花寺一所謹連蘄州城北見有僧人
洪興在寺住持戒行頗脩伏乞

皇上俯念親親重換寺額

賜臣爲祝

聖道場凡遇冬年并每月朔望同臣弟都昌王祁鑑
赴寺行香敬祝

皇圖鞏固

聖壽萬年少盡臣子報

恩之誠如蒙

准奏臣不勝感戴

蘄州誌

地

六十五

聖恩之至今差承奉正陳亮賚本具奏天順二年四
月十八日本部官於

奉天門欽奉

聖旨該部知道欽此欽遵抄出到部看得內外官員
并僧人奏討寺額有蒙

特恩賜與者有該本部行勘至日覆奏

賜與者今

荆王奏稱蓮花寺一所謹連蘄州城北乞重換寺
名

賜臣爲祝

聖道場一節緣係

親王乞

恩及奉

欽依該部知道事理未敢擅便具題天順二年四月二十五日本部官於

奉天門題奏次日奉

聖旨與做法勝寺欽此欽遵擬合通行除外合行劄付本僧前去該寺住持領眾焚脩施行須至劄付者

右劄付法勝寺住持洪興准此

八 蘄州誌 地 六十六

天順二年四月二十九日對同都史吳暹

恩事 乞

劄付押

鐵佛寺在州北門內冶鐵像佛因名洪武元年比丘永明初建正統三年善明重脩正德十年火焚十一年海堅行化重建

觀音閣即乾明寺今晏公廟乃其舊址永樂中比丘智安遷運正統三年福慶重脩嘉靖五年

荆殿下命撤而新之

昭化寺在州北里創始無考今為法勝寺子院

成化年僧智明重建後山分嶺為李璣祖塋

地藏寺在州東十里舊傳唐上祖師道場久廢

菩提寺在州東三十里初始無考正統六年僧

智英重修成化五年僧惠錫重建

沙涇寺在州西北十五里景泰間僧明珍重修

正德間承奉陳毅重建

龍門資教寺在三角山後梁乾化間慈應禪師

開初宋仁宗賜額龍門高宗加賜資教

國朝洪武元年僧正東重建

廣教寺在州北五十里白雲山洪武間僧守住

人 蘄州誌 地 六十七

脩葺頽敗正統間明鐸重修舊誌謂科亭大

竺福興俱為真觀間慈應禪師開初按真觀

唐太宗年號慈應唐敬宗寶曆二年生人歿

于後唐同光元年以此觀之俱誤

大竺寺在州北一百三十里洪武十三年僧印

信重修

福興庵在州北八十里洪武三十年僧永錫鍾

古佛寺在州東北一百二十里青山鄉蓮臺山

紫金教寺在州北二百里久廢歸併四祖寺僧

如霽復興

松山寺在州東一百一十里碧雲峯求樂間龍

虎慈禪師卓錫于此因建置焉

靈虬寺在州西北七十里山勢蜿蜒突曲一峯

如虬蟠據因名正統間僧福興重建

靈泉寺在州東八十里景泰元年僧智寶重建

圓峯寺在州西三十里圓峯山山峯峭麗圓如

辰星緇徒因借其勝初建

龍峯寺在州西北一十里龍峯山

長流寺在州西三十里一水湧前涓涓不絕寺

因以名正統間僧清明重建

入 蘄州志 地 六十九

朗山寺在州北宣德元年僧本然開建天順間

僧圓通偈云付柄龜毛插子欄却無頭無尾了事之人將去橫拈倒使

成真庵在州北一百五十里唐貞觀間建

國朝洪武二年僧無塵重建

雄江寺在州治北門外雄江坊久崩于江

觀

玄妙觀宋祥符間道士李可道初建麒麟山東

麓

國朝洪武九年道士陳玄隱重建洪武十八年道

士王懷榮遷建朝陽門外天順四年

荆靖王重建成化二十三年道士王志譚重修
溪山觀在州北宋元豐間道士桂道錄初建
國朝洪武二十年道士江秋重建

天長觀在州東北晉永熙間祖師王全真初建
國朝洪武十四年道士蔡會祥歸併玄妙觀正德
間道士盛從昂建

天真觀在州北元至正三年道士詹道玄初建
國朝洪武十二年道士王嗣賢重建

雙井庵在州北舊傳劉五真人居此修道
陵墓

人 蘄州誌

地

七十

先王封植之制一視其居以為差也故墟
冢半三仞而樹以栢其在諸侯者無得而
國朝稽古為治禮無不備而于喪葬率著為
令自宗室陵墓一準古制親親之恩至矣

荆國陵墓在州境第列于左庶有所考云

荆憲王陵墓在永福下鄉策山景泰五年主事李
福督造今遷安平上鄉兩路口鋪大泉山之陽
荆靖王陵墓在安平上鄉大泉山去州治東一十
里天順五年主事周正督造

荆和王陵墓在永福下鄉白雲山去州治西五十

里弘治十七年員外王子成督造

都昌惠靖王陵墓在安平上鄉大泉山去州治東一十里成化十六年進士郭秩督造

都昌惠靖王長子陵墓在安平上鄉大泉山去州東一十五里成化七年本州同知周仁廣督造

都梁悼惠王陵墓在安平上鄉去州治東五里成化十四年辦事官楊華督造

樊山溫懿王陵墓在永福上鄉去州治西三十里正德二年進士丁仁督造

都昌懷順王陵墓在安平上鄉虎狼口

人 蘄州誌

地

七十一

都昌悼禧王陵墓在州北龍峯山弘治十二年行人雷鳳督造嘉靖六年遷葬永福上鄉大王山

樊山莊和王陵墓在安平上鄉袁家嘴去州南十里嘉靖八年行人吳玘督造

樊山溫懿王第三子鎮國將軍陵墓在都昌惠靖王第四子鎮國將軍陵墓在青山上鄉

北河畝去州北一百二十里樊山溫懿王第五子鎮國將軍陵墓在州北冷水井

樊山溫懿王第七子鎮國將軍陵墓在州